

K.Ş.S. 45 Shf: 304

Esb-i keşan ağası temessüküdür

Şeriat-şi'âr ve fazilet visâr esb-i keşan kadı efendi zide fazluhu huzurlarına bade't-tahiyye ve't-teslim inha olunur ki : Seyyidetül-muhdemât ekiletül-muhsanât tâcül-mestûrât zâtül-ulâ vessa'adât devletlü azametlü valide sultan efendimiz dâmet ismetühâ hazretlerinin havâss-1 şerifelerinden vilayet-i anadoluda vaki' esb-i keşan hâssı ve tevâbi'i mukata'asını bin yüz yirmiyedi Martı ibtidasından bir sene tamamına değin zabt eylemek üzere bâ'isüt-temessük kıdvetül-emâsil vel-akrân Mehmed Ağa zide kadruhu ya tarafımızdan deruhte olunub zabtı için yedine iş bu memhur temessük verilmiştir. Hâss-1 mezburu zabt ve rabt edüb vaki olan a'sâr-ı şer'iye ve rüsum-u örfiye ve ihtisâb ve beytülmal âmme ve hâssa ve tapu-yu zimmi ve adet ve ağnam ve resm-i arúsâne veyve ve kaçgun ve kul ve cariye mújdegânesi ve mal gayb ve mal mefkud ve dönüm-ü bağât vesair cüz'i ve küllî bihasebiş-şer'i vel-kanun olageldiği üzere ahz-ü kabz eyleye ve selâtîn-i uzâm havasları mağruzül-kalem ve maktu'ul-kadem min küllil-vücûh serbest olmak kanun-ü kadim olmağla serbestiyet üzere zabt ve rabt edüb serbestname-i humayuna muğayir vüzera-yı uzâm ve mir-i mirân ve mir livâ ve mütesellim ve veyvodalar ve subaşılar ve emennâ ve ummâl ve nuzzâr vesair ehl-i örf taifesinden ferd-i vahid dahl ve taarruz eylemeye ve hâss-1 mezbur re'âyâları veyvoda-i merkûmu üzerlerine mezabit bilüb şer' ve kanuna muvafik muvafik olan sözünden tecavüz eylemeyeler tahriran fit-tarihil-merkum 30 Cemaziyelevvel 1125

El-Hac Mehmed kethüda-i valide sultan halen

Vasale fi : 24 Rebiulâhir 1127

Sürücü Ali Paşa Hazretlerinin Karaman serdarını kal'a bend buyurulmasıdır.

Halen Konya da naib-i şer' olan Efendi zide ilmühü

Ve kıdvetüs-sükâtvemüstahfızîn Konya kalesi dizdârı yed-i hıfza inha olunurki :

Karaman serdarı olan Osman Beşenin şekaveti zuhur etmekle kalebend olunması için iş bu buyurulduisdâr olunmuşdur .

Gerekdir ki : mezbur Konya kalesine kale bend idüb fera-yı gıybet etdirmekden ihtiraz ve mucib-i buyruldu ile amel oluna deyü sur

25 Rebiulevvel 1137

Sürücü Haleb valisi Ali Paşa Hazretlerinin mektubudur.

Ağa-yı muhterem

İzzetlü ve rif atlü biraderim hazretlerinin huzur-u izzetmevfur ları savbına

Mezidi i'zaz ve ikram ile derd-i davet-i safiyât ve gurar-i teslimât-1 vafiyât ithaf ve i'ta ve hatır-1 âtırları istiksa olunduğu siyakında zamir-i münir mühr-ü tenvirlerine nihayet-i muhlisanemiz budur ki : benim izzetlü ve rif'atlı biraderim ağa-yı muhterem Hazretleri medine-i Konya sakinlerinden olup ocağın kadim emekdarlarından el-Hac Abdülfettah Çavuş bendeleri istan tekaüdü olduğundan ma ada pir ve ihtiyar olup kuvvet-i bedeniyyesi olmamağla mezûnen kalub tarafımızdan mektub iltimas itmekle varaka-i muhalesat tahririne vesile olmuştur.Merkum bendelerinin üzerinden hüsnü nazarınız bî dirîğ buyurulub ruşen hususlarında ve müracaat eylediği umurunda müsaadeniz derkar buyurulmak me'muldur. Baki hemişe izz ve rif at bâd

Mehmed Muhlis Ali muhafız-ı Haleb Halen

Merkum yeniçeri pir ve ihtiyar ve alil olub me'zun kalmağla sefer teklifi ile rencide olunmaya deyü

fi: 25 Rebiulevvel 1137

Devletli İnayetli merhametli sultanım hazretleri sağ olsun bu kulları Karaman sakinlerinden yeniçeri olup bu kadar zaman sefer-i humayuna aşub halen pir ve ihtiyar olduğumdan gayrı bu sene biemrillahi taala alil olub sefere istemeğe bu vecihle iktidarım yoktur.Hasbeten lillahil-azîm bu kulları afv buyurulup sefer için rencide olunmamak babında halime merhameten buyruldu-u şerif rica olunur ol babta emr-u ferman merhametli sultanım Hazretlerindir.

Bende

Hüseyin Beşe

Nasuh zade

